

**REGIONAL NEWS UNIT**  
**ALL INDIA RADIO, AGARTALA**  
**Date: 27-06-2017**  
**Time: 07:55-08:05 PM Hrs**  
**BENGALI EVENING BULLETIN**

---

**Headlines :**

- ১) রাজ্যে শান্তির পরিবেশ অক্ষুন্ন রেখে বিভিন্ন উন্নয়ন প্রকল্প অব্যাহত রাখার জন্য রাজ্যবাসীর সহযোগিতা চেয়েছেন মুখ্যমন্ত্রী।
- ২) প্রতিটি সরকারী ভবনে সৌর বিদ্যুতের ব্যবস্থা করার জন্য রাজ্য সরকার সিদ্ধান্ত নিয়েছে।
- ৩) পে এন্ড পেনশন রিভিশন কমিটির সুপারিশ অনুযায়ী রাজ্য সরকারী কর্মচারীদের জন্য সংশোধিত বেতন কাঠামো রূপায়নে রাজ্য সরকার খুব শিগগিরই ROP প্রকাশ করবে।
- ৪) ভারত ও মার্কিন যুক্তরাষ্ট্র আজ পাকিস্তানকে সীমান্ত পারের সন্ত্রাসবাদের কাজে তাদের মাটি ব্যবহার করতে না দেবার বিষয়টি নিশ্চিত করতে বলেছে।
- ৫) ভারত ও নেদারল্যান্ডসের মধ্যে তিনটি সমঝোতা পত্র স্বাক্ষরিত।

000000000000

## মুখ্যমন্ত্রী:

রাজ্যে শান্তির পরিবেশ অক্ষুণ্ন রেখে বিভিন্ন উন্নয়ন প্রকল্প অব্যাহত রাখার জন্য রাজ্যবাসীর সহযোগিতা চেয়েছেন মুখ্যমন্ত্রী। আজ বিকেলে আগরতলার লেনিন সরণীতে নবনির্মিত দ্বিতল শিশুউদ্যান বিপনী বিতানের উদ্বোধন করে মুখ্যমন্ত্রী মানিক সরকার বলেন, রাজ্যে নানা ভাবে অশান্তির পরিবেশ তৈরির চেষ্টা হচ্ছে, স্বাভাবিক পরিস্থিতিকে ঘোরালো করার চেষ্টা হচ্ছে। এ ব্যাপারে, জনগনকে সজাগ ও সচেতন থাকার জন্য বলেছেন মুখ্যমন্ত্রী। মুখ্যমন্ত্রী বলেন, রাজ্য সরকার শিশু উদ্যান, রবীন্দ্র শতবার্ষিকী ভবন, উজয়ন্ত প্রাসাদ সহ সংশ্লিষ্ট এলাকাকে উজ্জয়ন্ত চক নামকরণ করে ব্যাপক উন্নয়ন ও সংস্কারের উদ্যোগ নিয়েছে। শিশু উদ্যান বিপনী বিতান তারই অঙ্গ। মুখ্যমন্ত্রী ওরিয়েন্ট চৌমুহনী থেকে রবীন্দ্র ভবনের দিকে রাস্তার পূর্ব প্রান্তের দোকানী ও ব্যবসায়ীদের অবিলম্বে এই বিপনী বিতানে তাদের দোকান স্থানান্তরের কাজ শেষ করার অনুরোধ জানিয়েছেন। অনুষ্ঠানে অন্যান্যদের মধ্যে উপস্থিত ছিলেন নগরোন্নয়নমন্ত্রী মানিক দে, পুর মেয়র ড: প্রফুল্লজিৎ

সিনহা, ডেপুটি মেয়র সমর চক্রবর্তী, মেয়র পারিষদ  
ফুলন ভট্টাচার্য, পুর পারিষদ রঞ্জা দত্ত সহ অন্যান্যরা।

000000000000

## সৌর-বিদ্যুৎ:

প্রতিটি সরকারী ভবনে সৌর বিদ্যুতের ব্যবস্থা করার জন্য রাজ্য সরকার সিদ্ধান্ত নিয়েছে। এ ব্যাপারে বিভিন্ন সরকারী হাসপাতাল, শিক্ষা প্রতিষ্ঠান, আরক্ষা প্রশাসনের বিভিন্ন ভবনে অগ্রাধিকারের ভিত্তিতে সৌর বিদ্যুৎ ব্যবস্থা গ্রহণের জন্য নির্দেশ দেওয়া হয়েছে। আজ আগরতলা প্রজ্ঞাভবনে রাজ্য সৌর বিদ্যুৎ নীতি নিয়ে বিভিন্ন দপ্তরের প্রতিনিধিদের সঙ্গে এক বৈঠকে বিদ্যুৎ মন্ত্রী মানিক দে একথা বলেন। তিনি জানান, রাজ্য সরকার গন্ডাছড়ায় ৫ মেগাওয়াট ক্ষমতার সৌর বিদ্যুৎ প্রকল্প গড়ে তোলার উদ্যোগ নিয়েছে। এছাড়া ডম্বুর জলবিদ্যুৎ কেন্দ্রের বিশাল জমিতে সৌর বিদ্যুৎ প্রকল্প স্থাপন করা সম্ভব বলে তিনি অভিমত প্রকাশ করেছেন। আগরতলা শহরের বহুতল বাড়িগুলির ছাদেও সৌর বিদ্যুৎ ব্যবস্থা করা যায় কিনা তা খতিয়ে দেখার বিষয়েও গুরুত্ব দেন তিনি। সভায় ত্রিপুরার সৌর বিদ্যুৎ প্রকল্প সম্প্রসারণ

কমিটির চেয়ারম্যান, সহ অন্যান্য কর্মকর্তারা উপস্থিত ছিলেন।

000000000000

**ROP:**

পে এন্ড পেনশন রিভিশন কমিটির সুপারিশ অনুযায়ী রাজ্য সরকারী কর্মচারীদের জন্য সংশোধিত বেতন কাঠামো রূপায়নে রাজ্য সরকার খুব শিগগিরই Rules of Pay বা ROP প্রকাশ করবে। অর্থমন্ত্রী ভানুলাল সাহা আজ মহাকরণে এই খবর জানিয়েছেন। তিনি বলেন, ROP চূড়ান্ত করার কাজ চলছে। এক প্রশ্নের উত্তরে তিনি জানান, রাজ্য সরকার অশিক্ষক পদে শিক্ষা দপ্তরে ১২ হাজার এবং সমাজ কল্যাণ সমাজ শিক্ষা দপ্তরে ১ হাজার পদে লোক নিয়োগের যে সিদ্ধান্ত নিয়েছে, সেই সব পদে লোক নিয়োগের জন্য বিজ্ঞপ্তি জারির প্রক্রিয়া চলছে। দ্রুত এই প্রক্রিয়া শেষ হবে বলে তিনি আশা প্রকাশ করেছেন।

000000000000

## কংগ্রেস:

সর্বভারতীয় কংগ্রেস কমিটির সম্পাদক ভূপেন ভোরা আজ তিন দিনের রাজ্য সফরে এসেছেন। রাজ্যে এসে তিনি দলের নেতাদের সাথে বৈঠক করেন। তিনি রাজ্যে জেলা ভিত্তিক সভা করবেন বলেও জানা গেছে। এদিকে পি সি সির সহসভাপতি পীযুষ কান্তি বিশ্বাসের নেতৃত্বে এক প্রতিনিধিদল আজ বিলোনিয়া গিয়ে সাম্প্রতিক রাজনৈতিক সংঘর্ষে আহতদের দেখে আসেন। এই ঘটনায় অভিযুক্তদের বিরুদ্ধে ব্যবস্থা গ্রহণের জন্য তিনি দাবী জানিয়েছেন।

000000000000

## তুনমূল কং:

রাজ্যে কেন্দ্রীয় হস্তক্ষেপের দাবী জানিয়েছে প্রদেশ তুনমূল কংগ্রেস। আজ আগরতলায় এক সাংবাদিক সম্মেলনে প্রদেশ তুনমূল কংগ্রেস বিধায়ক সুদীপ রায় বর্মণ এই দাবী জানিয়েছেন। তিনি বামফ্রন্ট সরকারের কাজকর্মের সমালোচনা করেন। চিটফান্ড ইস্যুতে তিনি মুখ্যমন্ত্রীর পদত্যাগ দাবী করেন। চিটফান্ড এর সাথে শাসকদলের একাধিক নেতা জড়িত বলে তিনি অভিযোগ করে, ওই

সব নেতার বিরুদ্ধে সি বি আই তদন্ত করার দাবী জানিয়েছেন। সাংবাদিক সম্মেলনে প্রদেশ তৃনমূল কংগ্রেস সভাপতি, বিধায়ক আশীষ কুমার সাহা উপস্থিত ছিলেন।

000000000000

### **ভারত-মার্কিন:**

ভারত ও মার্কিন যুক্তরাষ্ট্রে আজ পাকিস্তানকে সীমান্ত পারের সন্ত্রাসবাদের কাজে তাদের মাটি ব্যবহার করতে না দেবার বিষয়টি নিশ্চিত করতে বলেছে। দুই দেশই মুম্বই ও পাঠানকোটের হামলায় ষড়যন্ত্রকারীদের দ্রুত বিচারের ব্যবস্থা করার কথা বলেছে। প্রধানমন্ত্রী নরেন্দ্র মোদী ও মার্কিন প্রেসিডেন্ট ডোনাল্ড ট্রাম্প সন্ত্রাসবাদের মোকাবিলার প্রচেষ্টাকে শক্তিশালী করার এবং সন্ত্রাসবাদীদের নিরাপদ আশ্রয় নির্মূল করার বিষয়ে শপথ নেন। দুই নেতার বৈঠকের পর প্রকাশিত যৌথ বিবৃতিতে দুই দেশ আন্তর্জাতিক সন্ত্রাসের ক্ষেত্রে রাষ্ট্রসংঘের ব্যাপক সন্ধির প্রতি সমর্থন জ্ঞাপন করে। দুই নেতাই ধ্বংসাত্মক অস্ত্রের প্রসাররোধে এবং সন্ত্রাসবাদীদের হাতে যাতে সেগুলি না পৌঁছয়, সেই বিষয়ে এক সাথে কাজ করতে সংকল্প গ্রহন করেন। দুই নেতাই আলকায়দা, ইসলামিক স্টেট, জৈশ-এ-মহম্মদ, লসকর-এ-তৈবা ও ডি.

কোম্পানী সহ সন্ত্রাসবাদী গোষ্ঠীর হুমকীর বিরুদ্ধে সহযোগিতা সুদৃঢ় করার কথা বলেন। দুই রাষ্ট্র-প্রধান এই বিষয়ে সহমতপোষণ করেন যে, ভারত প্রশান্ত মহাসাগরীয় এলাকায় শান্তি ও সুস্থিতির জন্য ভারত ও মার্কিন যুক্তরাষ্ট্রের মধ্যে ঘনিষ্ঠ অংশীদারিত্ব জরুরী।

000000000000

### **প্রধানমন্ত্রী-নেদারল্যান্ড:**

তিনদেশীয় সফরের শেষ পর্যায়ে প্রধানমন্ত্রী নরেন্দ্র মোদী আজ নেদারল্যান্ডসের রাজধানী আমস্টারডামে পৌঁছোন। প্রধানমন্ত্রী শ্রী মোদী এর নেদারল্যান্ডসের প্রধানমন্ত্রী মার্ক রুটের মধ্যে আজ দ্বি-পাক্ষিক বৈঠক অনুষ্ঠিত হয়। উভয়ে জলবায়ু পরিবর্তন বিষয়ে প্যারিস চুক্তির প্রতি নিজেদের দায়বদ্ধতার কথা ব্যক্ত করেন। হেগে মন্ত্রী রুটের বাসভবনে আলোচনার সময় উভয় নেতাই পুনর্নবীকরণযোগ্য শক্তি ক্ষেত্রে সহযোগিতা বৃদ্ধির বিষয়টি নিশ্চিত করেন। এর আগে শ্রী মোদী বলেন, ভারতে উন্নয়নে নেদারল্যান্ডস এক প্রকৃত অংশীদার। শ্রী রুটের সঙ্গে যৌথ বিবৃতিতে তিনি বলেন, নেদারল্যান্ডস গত তিন বছরে ভারতে প্রত্যক্ষ বিদেশী বিনিয়োগ ক্ষেত্রে সবচাইতে বড় তৃতীয় দেশ।

দুই দেশের মধ্যে জল ব্যবস্থাপনা, সাংস্কৃতিক সহযোগ এবং নেদারল্যান্ডসের কোম্পানিগুলিতে ভারতীয় শ্রমিকদের সামাজিক সুরক্ষা ব্যবস্থায় সংশোধন করার বিষয়ে তিনটি সমঝোতা পত্র স্বাক্ষরিত হয়। প্রধানমন্ত্রী শ্রী মোদীর নেদারল্যান্ডসের রাজা উইলিয়াম আলেকজান্ডার ও রানী ম্যাক্সিমার সঙ্গে সাক্ষাৎ করার কথা রয়েছে। তিনি সে দেশের বিভিন্ন কোম্পানির CEO-দের সঙ্গে সাক্ষাৎ করে তাদের ভারতের উন্নয়নে সামিল হবার আহ্বান জানাবেন। এছাড়াও প্রধানমন্ত্রী সেখানে ভারতীয় বংশোদ্ভূতদের সামনে বক্তব্য রাখবেন।

000000000000

### **সুপ্রিমকোর্ট:**

সুপ্রিমকোর্ট, সামাজিক কল্যাণমূলক বিভিন্ন প্রকল্পের সুবিধা লাভের জন্য आधारकार्ड बाध्यतामूलक করার ব্যাপারে সরকারী নির্দেশিকার উপর অন্তর্বর্তী স্বগিতাদেশ দিতে অস্বীকার করেছে। सर्वोच्च आदालत आज এই मामलार शुनानिर समय ए व्यापारे १इ जून तार आगेकार निर्देशेर उल्लेख करे बलेछेन, ए ক্ষेत्रे नतून करे आर कोनओ पर्यवेक्षणेर प्रयोजन नेइ।



দুই বিচারপতি এ.এম.খান উইলকার ও নবীন সিনহার অবকাশকালীন বেঞ্চ বলেছেন, আধার না থাকার কারণে একশ্রেণীর মানুষ সামাজিক সুবিধে থেকে বঞ্চিত হতে পারেন। শুধুমাত্র এই আশঙ্কার ভিত্তিতে বর্তমান পরিস্থিতিতে কেন্দ্রের নির্দেশের উপর স্বগিতাদেশ জারির কোনও প্রশ্ন ওঠে না। তবে আধারকার্ড ব্যবহারের ফলে ব্যক্তিগত নিরাপত্তা লঙ্ঘিত হচ্ছে কিনা তা খতিয়ে দেখার জন্য একটি সাংবিধানিক বেঞ্চকে যে দায়িত্ব দেওয়া হয়েছে সেই রিপোর্ট না পাওয়া পর্যন্ত এই কর্মসূচি রূপায়নের উপর আংশিক স্বগিতাদেশ সর্বোচ্চ আদালত বহাল রেখেছে। মামলার পরবর্তী শুনানির দিন ধার্য হয়েছে ৭ই জুলাই।

000000000000

### **প্রধানমন্ত্রী:**

প্রধানমন্ত্রী নরেন্দ্র মোদী মার্কিন প্রেসিডেন্ট ডোনাল্ড ট্রাম্প ও তাঁর পরিবারকে ভারতে আসার আমন্ত্রণ জানিয়েছেন। হোয়াইট হাউসের রোজ গার্ডেনে শ্রী মোদী ট্রাম্পের পরিবারকে এই আমন্ত্রণ জানিয়ে আশা প্রকাশ করেন, তারা এই আমন্ত্রণে সাড়া দেবেন। শ্রী মোদী বিশেষ করে ট্রাম্প কন্যা ইভাঙ্কাকে এই বছর ভারতে অনুরোধ

আন্তর্জাতিক বানিজ্যিক শিখর সম্মেলনে আমেরিকান  
প্রতিনিধিদলের নেতৃত্ব দেবার আহ্বান জানান। ডোনাল্ড  
ট্রাম্প শ্রী মোদীর হোয়াইট হাউস সফরের জন্য তাঁকে  
বারে বারে ধন্যবাদ জানান এবং বলেন তাদের মধ্যে  
আলোচনা অত্যন্ত ফলপ্রসূ হয়েছে।

000000000000

### **চক্ষু শিবির:**

পশ্চিম ত্রিপুরা জেলা অন্ধ্র নিবারনী সমিতির উদ্যোগে  
সম্প্রতি তেলিয়ামুড়া গ্রামীন হাসপাতালে চক্ষু চিকিৎসা  
শিবির অনুষ্ঠিত হয়। শিবিরে চক্ষু বিশেষজ্ঞগণ ৭৪ জন  
চক্ষু রোগীর চোখ পরীক্ষা করে প্রয়োজনীয় ঔষধ প্রদান  
করেন। এছাড়া, রোগীদের মধ্যে ৮ জন চক্ষু রোগীর  
ছানি অপারেশনের জন্য আগরতলা আই জি এম  
হাসপাতালে নিয়ে যাওয়া হয়েছে। তেলিয়ামুড়া গ্রামীন  
হাসপাতাল থেকে এ খবর জানানো হয়েছে।

000000000000

### **ফুটবল:**

ঘরোয়া তৃতীয় ডিভিশন লিগ ফুটবলের দুটি খেলায় আজ সরোজ সংঘ ও সবুজ সংঘ জয়লাভ করেছে। আস্তাবলের স্বামী বিবেকানন্দ ময়দানে অনুষ্ঠিত খেলায় সরোজ সংঘ ২-০ গোলে উমাকান্ত কোচিং সেন্টারকে পরাজিত করে। বিজয়ী দলের পক্ষে ঝুটন মিঞা ও সমরজিৎ রিয়াং দুটি গোল করে। এদিকে, এম বি বি মাঠে অপর খেলায় সবুজ সংঘ ২-১ গোলে আমরা ক'জনকে হারিয়ে দেয়। বিজয়ী সবুজ সংঘের পক্ষে আকমল হোসেন ও সপ্তম হরিজন দুটি গোল করে। অপর দিকে আমরা ক'জনার পক্ষে একমাত্র গোলটি করে ধন্যসাধন জমাতিয়া।

000000000000

### **কুমারঘাট-ফুটবল:**

কুমারঘাটের PWD ময়দানে আজ থেকে শুরু হয়েছে নেতাজী সুভাষচন্দ্র বসু প্রাইজমানি নক-আউট কাম লীগ ফুটবল টুর্নামেন্ট। কুমারঘাট প্লে-সেন্টার দশম বারের মতো এই টুর্নামেন্টের আয়োজন করেছে। আজ বিকালে টুর্নামেন্টের উদ্বোধন করেন, ঊনকোটি জিলা পরিষদের সভাধিনেত্রী কল্পনা দেবনাথ।

উদ্বোধনী ম্যাচে সিঙ্গাপুর এফ.সি দল ছয়-এক গোলের ব্যবধানে বাঁশ বাগান দলকে পরাজিত করে। টুর্নামেন্টে মোট ১৫টি দল অংশ নিচ্ছে। চ্যাম্পিয়ান দল চল্লিশ হাজার ও রানার্স কুড়ি হাজার টাকা প্রাইজমানি পাবে বলে জানান টুর্নামেন্ট কমিটির আহ্বায়ক সমীরণ দাস।

000000000000

000000000000